

及縣志卷之十

邑令錫山徐汶瓚纂修

人物志中

文苑
善蹟

忠烈
隱逸

孝義
游寓

文苑

唐

謝偃貞觀初應詔對策高第歷高陵主簿太宗幸東都
方穀洛壤洛陽宮詔求直言偃上書陳得失帝嘉之引
爲宏文館直學士聞其善賦召見帝先爲序頗言天下
乂安功德茂盛授偃偃緣帝命爲述聖賦甚寓規諷
獻惟皇誠德賦帝皆善之時李百藥上五言詩偃善作

賦人稱爲李詩謝賦有集十卷又嘗著括地志

高定郢子早辯慧七歲讀尚書至湯誓跪問郢曰奈何
以臣伐君郢曰應天順人何云伐耶對曰用命賞于祖
不用命戮于社是順人乎郢異之長通王氏易爲圖合
八出上圓下方合則重轉則演七轉而六十四卦六甲
八節備焉仕至京兆府叅軍

宋

賀鑄字方回孝惠皇后族孫長七尺面鐵色省目聳拔
談當世事可否不少假借雖貴要權傾一時小不當意
極口詆之無遺辭人以爲近俠博學強記工語言深婉

嚴密如次組繡尤長于度曲掇拾人所棄遺少加櫟括
皆爲新奇嘗言吾筆端驅使李商隱溫庭筠奔命不暇
諸公貴人多客致之非所欲見不爲貶也時米芾以魁
岸奇譎知名鑄以氣俠雄爽適相先後二人每相遇瞋
目抵掌論辯鋒起終日各不能屈少爲武吏元祐中李
清臣奏授通直郎通判泗州又倅太平州竟以尚氣使
酒不得美官悒悒退居于吳稍務引遠世故無復軒輊
如平日家藏書萬餘卷杜門較讐以遂其老所爲詩詞
極爲時輩所推服黃廷堅嘗寄以詩云解作江南斷腸
句只今唯有賀方回晚號慶湖遺老有慶湖集二十卷

元

王惲字仲謀父天鐸以律學仕金爲戶部主事惲有操履端方好學善屬文中統元年左丞姚樞宣撫東平辟爲詳議官時省部初建令諸路各上儒吏能理財者一人惲以選至京師上書論時政擢爲中書省詳定官轉翰林修撰同知制誥兼國史院編修官尋兼中書省左右司都事治錢穀擢材能議典禮考制度咸究所長至元中建御史臺首拜監察御史知無不言論列凡百五十餘章時都水劉旻交結權勢任用頗專陷沒官糧四十餘萬石惲劾之暴其姦利權貴側目秩滿授平陽路

總管府判官初絳之太平縣民有陳氏者殺其兄行賂
緩獄蔓引逮繫三百餘人至五年不決惲從鞫即得其
實乃盡出所逮繫者時絳久旱一夕大雨奉命試儒人
于河南除河南北道提刑按察副使尋改置諸道制下
遷燕南河北道按部諸郡贓吏多所罷黜拜行御史臺
治書侍御史不赴裕宗在東宮惲進承華事畧二十篇
裕宗善之令諸皇孫傳觀稱其書宏益居多改山東東
西道提刑按察副使在官一年得疾還衛旋以左司郎
中召因右丞盧世榮方以聚斂進用屢趣不赴或問之
曰力小任大剝衆利已未聞能全者達之尚恐見浼況

可近乎旣而人服其識授福建閩海道提刑按察使黜
官吏貪污不法者凡數十人察繫囚之寃滯者決而遣
之創營室居戍兵不令擾民家行省討劇賊不效特陳
規取方畧以福建爲邊徼重地民情輕詭官吏貪殘往
往蟻附山寇兵士致討復蹂踐之非朝廷一視同仁之
意進言宜選清望素著文能撫綏武足折衝者爲平章
左丞使鎮靜之召至京師又上萬言書極陳時政授翰
林學士成宗即位獻守成事鑑十五篇加通議大夫知
制誥同修國史纂修世祖實錄因集聖訓六卷上之進
中奉大夫乞休不許再上章求退遂授其子公孺爲衛

州推官以便養仍官其孫筭秘書郎仲子公儀廕授同
知磁州季子公說衛輝路學正曾孫遜志自有傳大德
八年六月卒年七十八贈翰林學士承旨追封太原郡
公謚文定其著述有相鑑五十卷汲郡志十五卷承華
事畧中堂事記鴻臺筆補玉堂嘉話並雜著詩文合爲
一百卷名錄集行于世

廬亘字彥威博學有傑才工詩賦英聲逸韻彪炳一時
仕至翰林待制

明

毛麟之號青岩正德己卯與弟鴻之同舉于鄉庚辰成

進士歷行人監察御史運司運同所著有抱甕餘吟草
堂隨筆等集行世

蔡濟弘治間以職貢任清江府學正學場一清重其才
行擇附近州縣學士以爲學士清亦就學經其指授
文章俱有可觀

劉希曾字汝雅祖爲縣令子希曾幼遊郡
庠選貢太學教授歷官有意在孟姜女
河西岸郡人郭寶無不稱其善以古君子自
期文宗宋體得曾子周之善其善其善其善
爲人愿而慤雅而懿詳而不

其誨教士而尤恤其貧問疾弔喪不遠百里輕財重義
不惜千金迹其行已在伯高季良之間

據墓碑
增入

國朝

李中節字合符號貢生受業于夏峰孫徵君博學強識
爲文落落數千言以汲邑向無志偕諸及門銳意搜討
著附郭考後邑令佟國瑞吳千將相繼纂輯志乘卒賴
以成書

李芳辰字穀旦景賢曾孫少穎敏長益肆力于學經史
而外諸子百家靡不涉歷中辛卯科舉人已亥成進士
選奉新令旋歸里丁丑纂修邑乘論列古今品題人物

藉其力爲多郡守胡公有家傳大易則通蠹食數頁展爲補續胡公歸覓原本校之無一字訛博聞強記人所罕及

王兆鰲字龍章邑廩生有孝友稱貌渾樸而性明敏且勤學家貧缺膏火以炷香照讀善屬文嘗供道署灑掃北海田兵巡一見器重拔爲門下士旋補博士弟子每試列前茅顧數奇屢躋場屋生平重廉節無片紙入公門指授生徒成名者數十人不責謝并不計修脯尤工法書一時屏幃碑匾多出其手論者謂汲自蔡國泰郭俊士張雲子後惟兆鰲爲能繼之

忠烈

殷

比干紂諸父爲少師見箕子諫不聽而爲奴則曰君有過而不能死諫則百姓何辜乃直言諫紂三日不去紂怒曰吾聞聖人之心有七竅信有諸乎乃遂殺之剖而視其心武王旣克殷封其墓唐貞觀十九年再封之贈太師諡忠烈

弘演初受君命于外未返狄人逐衛懿公于熒澤見殺盡食其肉獨舍其肝演使還報于肝所辭畢呼天而號盡哀而止曰若臣者獨死可耳遂自剖出其肝以內懿

公之肝乃死

孔達初晉以衛之救陳也討焉使人弗去曰罪無所歸將加而師孔達曰苟利社稷請以我說遂縊而死衛人以說于晉而免衛人以爲成勞復室其子使復其位

唐

甄濟字孟成本定州無極人叔父爲幽涼二洲都督家衛州宗屬以伉俠相矜濟少孤弱獨好學有高行以文雅稱嘗讀書衛縣清巖山十餘年遠近伏其仁採訪使苗晉卿表之諸府五辟詔士下皆不起天寶十載以左拾遺召未至而安祿山入朝求濟元宗不得

嶽山掌書記蔡祿山有異志陽爲啗血不支昇歸祿山
反使蔡希德封刀召之濟引頸以待希德嗟嘆以實疾
●白祿山得免後賊平濟詣京師肅宗命館于三司署令
受僞官者羅拜以愧其心累遷著作郎兼侍御史卒贈
秘書少監

元

王遜志惲曾孫歷監察御史江西廉訪副使召簽太常
禮儀院元末京城不守公卿爭出降遜志獨家居衣冠
而坐其友王翼來告曰新朝寬大盡出詣官自言狀遜
斥之曰君既自不忠又謗人爲不義耶即日投井死

明

左源景泰甲辰進士歷任監察御史抗疏論諫屏遠嬖
倭廷杖四十謫文縣知縣時稱其忠直

張衍瑞字元承繼子弘治乙丑進士授清豐知縣有治
績以執法忤劉瑾逮下詔獄幾死瑾誅得釋陞吏部主
事歷文選司郎中值武宗南巡抗疏諫止上怒罰跪予
杖又瀕死謫平陽同知肅宗嗣位特詔復原職尋陞太
常寺少卿卒贈太僕寺卿遣官諭祭于其家並營葬事
附錄諭祭文曰惟爾性資明敏才識優長名重賢科政
行大邑擢官選部清慎著稱頃以直言左遷外郡屬當
更化超陟奉常大用有期遽聞論逝贈
官祭出異恩諭祭裝頓尚期款照

劉珏以貢士任刑部照磨正德中武廟將南巡珏連疏
伏闕諫止上大怒令同諫者跪于午門五日因下獄廷
杖死車駕亦不果出嘉靖元年詔贈刑部主事命有司
諭祭廕其子鈺爲太學生以旌其忠今從祀鄉賢祠

附錄

諭祭文曰爾曹監名流刑曹幕職先皇整軍旅事南征
伏闕上章志期止輦權奸構禍筆責而亡追念忠誠曷
勝悼惜特加褒贈延賞後人諭祭載
頒用昭殊典爾靈不昧庶克歆承

卜從善明末河南總兵也先以副總兵守衛闖賊犯開
封巡撫高名衡令暗渡河南掘河灌賊營未成賊覺衝
散後河決陷開封從善以水師至城上合河北諸軍用
大礮擊沉賊前鋒土寇李際遇等所在蜂起從善兵僅

三千人屢建奇功崇禎十七年賊將破懷慶漸逼衛從善護路藩南行賊旋據衛城從善返與爭力竭爲所執大罵不屈遂遇害刳腹剗胸備極慘毒郡人哀之殮其尸葬北關寶曇寺後東偏

何繼爵其先山西洪洞人以世襲任衛輝千戶遂家于汲生平謙以律已謹以奉公遷南陽守備竭力整飭營務剔蠹除奸而仍寓以和平不事苛細撫按交章薦擢河南都司署都指揮僉事爲閹黨所排旋里崇禎甲申春流賊入衛不屈被殺妻支氏從殉一女年十七死尤

國朝

李實發號石林天敘孫大生子與弟實秀同登壬午鄉選授湖廣襄陽推官明允有聲性剛直不畏強禦值逆弁作亂被執不屈罵賊而死事聞

朝廷憫其忠烈贈湖廣按察司僉事諭祭葬蔭子璘入國

學祀襄陽名宦康熙間祀鄉賢

附錄 諭祭文曰烈士

臣報國無舍義以全生襄陽府推官李實發職司典獄念切同讐貞毅銘心甘櫻賊刃可謂矢死不回以畢其志者矣計音上聞深用憫悼特賜祭一壇造墳安葬英魂不昧尚克歆承

孝義

隋